



Rabbiin ol ta'e ni jedhe: Nama jaalallee koo diinomfate, akkan lola isatti banu isa beeksiseera, wantoota garbichi koo hojjachuun natti dhihaatu keessaa, Wantoota ani dirqama isa irratti godhe hojjachuun natti dhihaachuu isaa caalaatti, wanti tokko kan na biratti jaallatamaa ta'e hin jiru

Abuu Hurayraa irraa akka odeeffametti -Rabbi isa irraa haa jaallatu- ni jedhe: Ergamaan Rabbii -Rabbiin rahmataa fi nageenya isaan irratti haa buusu- ni jedhani: «Rabbiin ol ta'e ni jedhe: Nama jaalallee koo diinomfate, akkan lola isatti banu isa beeksiseera, wantoota garbichi koo hojjachuun natti dhihaatu keessaa, Wantoota ani dirqama isa irratti godhe hojjachuun natti dhihaachuu isaa caalaatti, wanti tokko kan na biratti jaallatamaa ta'e hin jiru, Gabrichi koo sunnaa hojjachuun natti dhihaachuu irraa booda hin jedhu, hangan isa jaalladhutti. yoon isa jaaladhe immoo, dhageettii isaa kan inni ittiin dhaga'u, ija isaa kan inni ittiin argu, harka isaa kan inni ittiin qabatuu fi miila isaa kan inni ittiin deemun isaaf ta'a, (qaama isaa hamturraa isa tiysa jechuudha) yoo na kadhate isaafin kenna, yoo natti maganfates isan tiksa».

[sirrii] [Bukhaariitu gabaase]

Nabiyyiin -Rabbiin rahmataa fi nageenya isaan irratti haa buusu- hadiisa qudsii kana keessatti, Rabbiin akka akkas jedhee jiru nutti himani: namni waliyyii waliyyoota koo irraa ta'e tokko rakkisee, isa aarsee, isa jibbe, ani isa beeksisee, diinummaa isaa labseen jira. Waliyyiin: inni nama mu'uminaa Rabbiin sodaatudha, hanguma iimaanaa fi sodaa Rabbii namtichi qabuun, waliyyummaa Rabbii irraa qoodni isaaf ta'a. Muslimni tokko wantoota inni ittiin Rabbii isaatti dhihaatu keessaa, wantoota dirqaama isa irratti ta'an, toltuu hojjachuu fi wantoota haraamaa dhiisuun, isatti dhihaachuu caalaa, wanti tokko kan Rabbiin biratti jaallatamaa ta'e hin jiru, muslimni dirqamoota hojjachuu waliin sunnaawwaniin Rabbitti dhihaachuu irraa booda hin jedhu, hanga jaalala Rabbii argatutti, jaalala Rabbii yeroo argate immoo, qaamolee afran kanneen keessatti Rabbiin isa gargaara: Dhageettii isaa keessatti isa gargaaree haqa isa qunnamsiisa, waan Rabbiin jaallachiisu malee hin dhaga'u. Argaa isaa keessattis isa gargaaree haqa isa qunnamsiisa, waan Rabbiin isa ilaaluu isaa jaallatu malee hin ilaalu. Harka isaa keessattis isa gargaaree haqa isa qunnamsiisa, harka isaatiin waan Rabbiin jaallachiisu malee hin hojjatu. Miila isaa keessattis isa gargaaree haqa isa qunnamsiisa, gara waan Rabbiin jaallachiisuutti malee hin deemu, gara waan toltuun keessa jiruutti malees hin sochoo'u. Kanumaa waliin yoo Rabbiin waa gaafate, Rabbiin waan inni gaafate isaaf kenna, kadhannaan isaa qeebalmaa ta'a, yoo Rabbitti maganfatee, akka inni isa

tiksuuf gara isaatti deebi'e, Rabbiin waan inni sodaatu irraa isa eegee isa tiksas.

<https://www.sunnah.global/hadeeth/om/show/66534>

النجاة الخيرية
ALNAJAT CHARITY

